



UKA 2015/26-0

26.11.2015

**Meeqqaqut kinguaassiutitigut kanngutsaattuliortarneq ullumimut naleqqiullugu annertuumik appartinniarlugu pitsaaliunerup paasiniaasarnerillu nukittorsarnissaat pillugu apeqquteqaat allaavigalugu oqallinnissamik siunnersuut.**

(Inatsisartunut ilaasortaq, Tillie Martinussen, Demokraatit)

Inatsisartunut ilaasortap, Tillie Martinussen, Demokraatit, meeqqaqut kinguaassiutitigut kanngutsaattuliortarneq ullumimut naleqqiullugu annertuumik appartinniarlugu pitsaaliunerup paasiniaasarnerillu nukittorsarnissaat pillugu apeqquteqaat allaavigalugu oqallinnissamik siunnersuuta Partii Naleqqamiit imannak oqaaseqarfingissuarput.

Akuersaarsinnaanngilluinnarpalput, meerannguit pisuussuteqanngitsut kinguaassiuutitigut kanngutsaattuliorfigineqartarerat.

Tassami soorlu siunnersuuteqartup tunngavilersuuteqarnermini inuiaqatigiinni misissuisarsimanerniit paasisat imaattut allaasingai:

“2005-imiit 2007-imut innuttaasunik misissuinermi arnat 31 %-ii angutillu 10 %-ii meeraallutik kinguaassiuutitigut atornerlunneqarsimanertik pissutigalugu kingunerlutsitsisut nalunaarutigineqarsimasut.

2009-mi, 2012-mi aamma 2013-mi misissuisoqarmat paasineqarpoq niviarsiaqqat 15-t inorlugit ukiullit pingasuungaangata ataaseq kiisalu nukappiaqqat 15-t inorlugit ukiullit tallimaangaangata ataaseq kissaatiginngisaminik inersimasumit attuualaarneqartarsimasut

2014-mi pinerluttulerinermut inatsit naapertorlugu meeqqaqut 15-t inorlugit ukiulinnut kinguaassiutitigut kanngutsaattuliormanerit 52-t politiit nalunaarsorpaat, 2013-mi 70-t - ukiorpassuarnilu kisitsisit 50-t 70-sillu akornanni aalaakkaasumik inissimasimapput”.

Qulaani kisitsisit taajorneqartut uppernarsiseqqippa, meerartatta kanngunaannartumik akuersarneqarsinnaanngilluinnartumillu atornerlunneqartarerat.

Siunnersuuteqartoq tamakkiisumik aamma taperserparput, tassami meeqqat taama amerlatigisut kinguaassiuutitigut atornerlunneqartarnerat inuaqatigiinni ajornartorsiutingaarpus annertoorujussuaq. Meeqqap ataasiinnaalluunniit taama atornerlunneqarnera inuaqatigiinni akuersarneqarsinnaanngilaq.

Taamaammat meeqqat pillugit suliniuteqartut tamarluinnaasa qutsavigaagut suliniarnerinilu tapersorsorlugit.

Taamaammat-una aamma 2016-imut aningaasanut inatsit suliaringatsigu Naalakkersuisut meeqqat inuuusuttunullu suliniaqatigiiffimmut Soorlak-mut aningaasaliissutit appartinniarneqarmata akerliusimasugut, nalunnginnatsigu taama iliorneq meeqqat inuuusuttullu sullinneqarnerannut kinguariaataassasoq.

Meeqqat kinguaassiuutitigut atornerlunneqartarnerat tamakkiisumik akiorneqassappat, partiilersornertaqanngitsumik tamatta suleqatigiittariaqarput.

Ukiut ingerlanerini meeqqanut inuuusuttunullu atugassarititaasut il.il. pillugit nalunaarusiarpassuit paasissutissallu assigiinngitsut suliarineqartarsimapput, ilaatigut qujanartumik Meeqqat Inuuusuttullu Oqaloqatiginnitarfiata (MIO) katarsimmasai atorluarneqartariaqarput aamma qanittukkut paasivarput Ilisimatusarfimmi meeqqanut inuuusuttunullu pillugit paasissutissanik katarsorneqalersimasut. Qujanarpoq taama suliniartoqarmat.

Kisianni meeqqanik atornerluineq taama ilungersunarlunilu annertutigisoq isumaqarpugut, pinaveersaartitsinermi sulinermi ajornartorsiutit qiterisaa aallaavigisartagaalu sumiissusersissallugit pingaaruteqartoq pisariaqarlunilu.

Isumaqarpugut siullertut angerlasimaffit, tassanilu angajoqqaat pisussaaffeqarlutillu meeqqaminnut akisussaasut tikillugit suliniarnerit ingerlanneqartariaqartut.

Imigassaq, ikiaroornartoq atornerluinerillu allat qularnanngitsumik aamma meeqqat atugarissaarnissaraluinut assorujussuaq killilersueqataapput.

Nalunngilarput, angajoqqaarpassuit akissaqannginnej pissutigalugu inigisaminniit anisitaasimasut, aammalu angajoqqaarpassuit inigisaminniit anisitaasussatut inisisimasut qassunik meerartaqarnersut ilisimaneqanngilaq.

Meeqqat inuuusuttaaqqallu 642-ut september 2014 tikillugu angerlarsimaffiup avataanut inissinneqarsimapput. Taakkunanna meeqqat qassit kinguaassiuutitigut atornerlunneqarsimanersut ilisimaneqarpaat ?

Meeqcat taakku qanoq nakkutigineqarpat ? qanoq illersorneqarpat ? angerlarsimaffik qimangutitaaffigisaat nakkutigineqarpaa ? angajoqqaavi ajornartorsiuiminniit aninguiniarnerini ikiorserneqarpaat ? taakkunannga qassit katsorsarneqarpat ? suliniutit taamaattut sumut killippat ?

Tassami assersuutigalu ukioq manna Meeqcat illersuisuata Qaasuitsup kommuniani angalanermini paasisaaluuunniit pillugit Qaasuitsup kommunianiit assigiinngitsunik nalunaaruteqarnerit, minnerunngitsumillu Naalakkersuisut qisuarialeqannginnerat ilungersunartorujussuartut isingaarpuit.

Eqqaamaniartigu meerannguit kinguaassiutitigut atornerlunneqarsimasut inuunermi sinnerani tarnikkut annertoorujussuarmik akilingaasarmata imaliallaannarlugu katsorsarneqarsinnaanngitsumik.

Isumaqpugut meerarpassuit ullumikkorniit pitsaanerusunik atugassaqartinneqassappata, minnerunngitsumillu meerarpassuit kinguaassiutitigut atornerlunneqarsimasut tamakkiinerusumik ikiorserneqassappat aammalu kinguaassiutitigut meeqqanik atornerluisarnerit pinngitsoortinneqassappata, apeqqusertariaqanngikkaluarporluunniit taamaaliornissaq, taava meeqqanut ilaqtariinnullu atugassarititaasut pitsaanerulersinneqassappata, taava avaqqunneqarsinnaanngitsumik aningaasaliissutit qaffanneqartariaqarput, kisianni Naalakkersuisut taamaaliornissamut piumassusaat amingartoq takusinnaavarput, tassami ataatsimiinnermi uani meeqcat pillugit oqallinnerit ilaanni naalakkersuisooqatigiit partiivisa ilaat oqarput, meeqqanut akissaqanngitsugut, illua-tungaatigulli mittarfissuarnut miliaartit marluk sinnerlugit akilinnut aningaasat atorusunnerullugit.

Meeqqanut inuusuttuaqqanullu suliniutit assigiinngitsut tapersorsorpavut, kisianni aamma isumaqpugut meeqcat ilaqtariillu pissakinnerusunut tulleriaarinermi siulliullugit aningaasaliifeginerusariaqartut. Aamma meeqcat inuusuttuaqqallu saaffissaqartuarnissaat pisariaqartuaannartoq isumaqpugut.

Taama oqaaseqarluta oqalliseqqinnissamut piareersimalluta oqaaseqarpugut.